

Ola Manuia | Te Pacific Health Plan No Teta'i Tuātau Poto

Tiurai i te mata'iti 2022–Tiunu i te mata'iti 2024

E pēpa 'akatokorua'anga te Ola Manuia | Interim Pacific Health Plan, i te Te Pae Tata | Interim New Zealand Health Plan, te 'akano'ono'o atu nei i te au 'anga'anga no nga mata'iti mua e rua, no runga i te arataki'anga i te porokarāmu 'anga'anga, a Te Whatu Ora Pacific health, i roto i te turanga tei 'akapu'apinga'ia.

Ka 'ōronga atu te Ola Manuia i teta'i atu 'akakitekite'anga no runga i te rāvenga a Te Whatu Ora, i te 'akamātūtū'anga i te aronga 'anga'anga i roto i te Pacific health, e te 'anga'anga'anga no te aronga kare e meitaki ana te ora'anga.

Kua kite matou e, e mānganui te au tu'anga i roto i ta tatou turanga rapakau'anga, kare e 'anga'anga meitaki ana no te iti tangata no te Moana-nui-o-Kiva, aiga, ngutu'are tangata, famili, kāinga, magafaoa, kaiga, vuvale and kaaiga (families) e te au 'oire tangata.

Ka turu ta matou au 'anga'anga te ka rave, na roto i nga rua mata'iti e tu mai nei, i te au kōpu tangata, e te au 'oire tangata no te Moana-nui-o-Kiva, i roto i Aotearoa, kia no'o ki roto i te ora'anga meitaki, e te 'akatika i te tangata no te Moana-nui-o-Kiva, kia rauka te rapakau'anga e anoano ra ratou, i te ngāi e anoano ra ratou.

Kua rauka mai te au mea pu'apinga no te Pacific health, mei roto i te au 'āpi'i'anga tei tāmou matou mei roto mai i te toto'a'anga COVID-19, e, mei roto mai i ta te au 'oire tangata no te Moana-nui-o-Kiva, i 'akakite mai kia matou.

TE AU TU'ANGA KARE E MEITAKI ANA TE ORA'ANGA, NO TE PACIFIC HEALTH

- Te au metua vaine, e te au pēpē
- Te tamariki, e te māpū
- Te aronga pakari
- Tagata sa'ilimalo | te pakipakitai
- Te turanga o te ora'anga manako, e te ora'anga meitaki
- Te au turanga maki roa, tei roto i teia, te oviri (cancer) te toto vene (diabetes), e te kaute (gout)
- Te au rāvenga no te maki toto'a'ia, tei roto i teia, te 'ākara'anga meitaki i te au vā, e te au manamanatā i roto i nga mata'iti e rua, i topa ake nei

TE AU 'AKAKORO'ANGA

- 'Anga'ia teta'i turanga mātūtū, te turu ra i te 'akakitekite'anga, te rāvenga rapakau'anga, e te mārāma'anga o te 'oire tangata o te Pacific health.
- Te turu'anga pakari i te 'anga'anga no te Moana-nui-o-Kiva, e te 'akatupu'anga i te turanga rapakau no te Moana-nui-o-Kiva.
- Te turu, e te 'akatupu i teta'i pupu 'anga'anga mātūtū no te Moana-nui-o-Kiva.
- Te 'akanekete'anga i te au tu'anga o te Pacific health kare e meitaki ana te ora'anga, ki mua.
- Te 'ākara'anga meitaki i te anoano o te au pupu tangata, kare e meitaki ana te ora'anga, ma te 'ākara viviki i te au vā, tei kitea mai i te tuātau o te maki toto'a.

TE AU 'ANGA'ANGA

- Patu'ia ki runga i teta'i 'akapapa'anga 'iti tangata Moana-nui-o-Kiva i roto i te basileia, e ta ratou i kite.
- 'Anga'ia teta'i 'akakitekite'anga, e te au rāvenga Pacific health, no te basileia.
- 'Anga'ia teta'i Pacific Clinical Network, tei 'ātuitui meitaki ia, i te tauturu i te turu, e te te'ate'amamao'anga i te aronga 'anga'anga rapakau, no te Moana-nui-o-Kiva.
- Tutaki'ia te kimikimi'anga kite, i te turu i te 'akatupu'anga i te au kaveinga no te au 'ākono'anga tangata tei pu'apinga takere ana, e te au 'ākara'anga (models) pu'apinga i roto i te au tu'anga rapakau'anga i te aronga kare e meitaki ana te ora'anga.
- Tutaki'ia te au puna 'oire no te Moana-nui-o-Kiva, kia rauka i te au turanga rapakau, i te 'anga'anga ta'okota'i i roto i te 'oire, e te vaka.
- 'Anga ta'okota'i'ia te 'anga'anga kāpiti'anga, ki roto i te au turanga rapakau no te Moana-nui-o-Kiva, i roto i te au ngā'i e tupu nei te tārē'anga tangata, kare ra i tū ake i teta'i turanga rapakau no te Moana-nui-o-Kiva.
- Turu ua atu rāi i te au 'akara'anga tau no te 'ākono'anga tangata maki (models-of-care) 'ōu, tei 'akatupu'ia mei roto mai i te tuātau COVID-19.
- Tutaki'ia te au turanga rapakau no te Moana-nui-o-Kiva, te tā'anga'anga nei i te Pacific family-centred care, te 'anga'anga ta'okota'i ra, ki roto i te maternity early years care, primary care, hospital, e te social service providers.
- Tomo atu ki roto i te au koreromotu 'anga'anga 'irinaki'ia, māmā, e te 'irinaki ra ki runga i te 'akakoro'anga, ki roto i te au turanga rapakau no te Moana-nui-o-Kiva, tei tango'ia ki runga i to ratou anoano, e te au rāvenga 'ōu.
- 'Akatupu'ia teta'i Pacific Health Workforce Development Strategy mātūtū.
- 'Anga'anga ki roto i te turanga 'āpi'i, i te kimi i te au pāruru'anga i roto i te 'āpi'i tuarua, e te 'āpi'i tuatoru, ki te turanga 'āpi'i, e te terēni'anga no te Pacific health, e te au rāvenga no te tauturu.
- 'Akapou'ia te moni ki roto i te au kimi'anga rāvenga 'ōu, e te au 'oro'oro'anga, te turu ra i te pu'apinga, e te 'akatupu'anga pupu 'anga'anga a te turanga rapakau no te Moana-nui-o-Kiva.
- 'Anga'ia teta'i porokarāmu i te turu i te terēni'anga, e te 'anga'anga, na te au ta'unga nēti no te Moana-nui-o-Kiva.
- Kimikimi'ia te au rāvenga i te 'akakake'anga mai i te au General Practice Education Programmes 1, e te 2, te 'āpi'i'ia ra i roto i te au turanga rapakau, no te Moana-nui-o-Kiva.
- 'Akatupu'ia teta'i 'akara'anga (model), no te 'ākono'anga i te maki toto vene, te tāto'u ra ki runga i te kōpu tangata no te Moana-nui-o-Kiva.
- Turu'ia te 'anga'anga e rave'ia nei na roto i te turanga rapakau'anga, i te 'akatopa mai i te au mea taukore no runga i te maki oviri (cancer) i roto i te iti tangata no te Moana-nui-o-Kiva, e te au kōpu tangata.
- 'Anga'anga ki roto i te au turanga rapakau i roto i te Tai Tokerau, te au arataki i roto i te rapakau'anga, e te aronga kimimi kite, i te 'akatupu i te au 'ākara'anga no runga i te 'ākono'anga tangata maki, (models-of-care) no te ora'anga manako, no te 'iti vaine no te Moana-nui-o-Kiva.
- Turu'ia te au turanga rapakau no te Moana-nui-o-Kiva, i te kimi, e te 'ākono i te anoano o te au 'oire tangata, kare e meitaki ana te ora'anga.
- 'Akapāpu kia 'ākara meitaki 'ia te iti tangata no te Moana-nui-o-Kiva, e te kōpu tangata, i roto i te 'akamata 'aka'ou'ia'anga, i te 'akono'anga tei parāni'ia, no a muri ake i te maki toto'a.
- 'Anga'anga ki roto i te au turanga rapakau, e te au arataki i roto i te turanga rapakau, i te 'ākara meitaki i te vā i roto i te rapakau'anga, e te anoano o te tamariki no te Moana-nui-o-Kiva, no a muri ake i te maki toto'a.